

唐 廣成先生杜光庭集

懺悔

夫行道建齋庠序為本稍加紛擾即失軌儀瞻睹既爽其禮容關奏因虧於俯仰非唯獲譴天府亦恐貽誚同人若露壇之中風雨將至盛暑之月凝寒之時或早暮失時或別有驚擾若頓停法事即惶遽失常若備盡科文即遲迴非便可壇前都講便存神步虛或驚急異常務從簡要即三啓大謝可也以時消息無至膠柱也。

二十方都懺

衆官北向都講唱曰

臣等至心歸命十方无極太上靈寶天尊十極天君三光五嶽三河四海三十六部尊經一切神仙諸靈官禮足各虔誠懺悔或隨方拜一  
臣等伏聞道以無為德而不宰龍萬法作域中之大跨九流開衆妙之門善惡之理既分罪福之科攸著所以南宮丹籙上生為賞善

之資北府黑書注死乃繩非之本用章懲勸以極昏蒙先明立教之端方契無為之旨今謹有黃籙大齋主某官某乙誠惟忠孝恩重君親思酬胞育之仁乃落焚修之會謹齋香花法信龍壁紋繒歸命十方无極太上靈寶

天尊日月星官至真大神靈山洞府五嶽真君水府尊靈三寶官屬十方三界一切真靈特乞開慶賜之恩降大慈之澤赦齋主某家億曾萬祖幽爽神儀長夜寒庭俱令解脫泊乎三姻五族眷屬親緣禍滅九陰福生三景災凶靜息祿壽遐長

皇帝聖越義農壽均天地儲宮藩屏長贊休期皇后嬪妃永佳聖業燕僚百辟傾翼輔之心萬國四方混車書之化干戈不作風雨順常日月貞華星辰合度鄧都罷對蠢動安全克符清靜之宗俱契希夷之道得道之後昇入无形和與道合真

二十方分懺

衆官左行西立東向都講唱曰

臣等至心皈命東方无極太上靈寶天尊九

炁天君東鄉神仙諸靈官禮足各虔誠懺悔

東方

臣等伏聞少陽建位初開碧落之宮木德司方爰關青元之府行春令而群芳資始出震域而帝業永昌宜憑烈育之仁盡罄歸依之懇今謹有黃籙大齋主某荷生成之德感履載之私謝過祈恩建齋行道謹齋育紋之繒一疋金龍一枚歸命

東方无極太上靈寶天尊九炁天君東鄉神仙諸靈官竊以至道流慈群芳寧泰陽和布化品物昭融先祈國祚延弘聖躬和暢扶桑蓬島之外車軌混同東明肅慎之鄉楨杵入貢次及齋主某家九玄滯識落罪錄於岱宗五族姻親列仙名於東斗災衰屏息極算延長過咎自消善慶臻集幽明庶類並沐玄恩得道之後昇入无形和與道合真

南方

臣等伏聞丹天肇啓彤雲結流火之庭赤帝建都絳氣肅明實之殿播陽靈而先九有宣火德而照重冥既資長養之仁宜竭精誠之

禱今謹有黃籙大齋主某乙仰惟家國爰洎君親謝過祈恩建齋行道謹齋絳紋之繒一疋金龍一枚歸命

南方无極太上靈寶天尊三炁天君南鄉神仙諸靈官竊以陽德照臨無幽不被至真應物有感必通先祈上福聖躬允昌大業赤烏效瑞丹鳳來儀邊城無烽燧之虞絕域有梯航之貢次及齋主某家九玄七祖鍊質朱陵五族六親列名丹簡災穢不作過咎自消祿算增延福慶臻集舍靈蠢動俱沐玄恩得道之後昇入无形和與道合真

西方

臣等伏聞金方大帝御璿闕以開圖素德天君處琳宮而演教右極控浮羅之獄西華分太妙之節仰惟肅毅之威一切生成之望今謹有黃籙大齋主某乙誠深家國義重君親謝過祈恩建齋行道謹齋素紋之繒一疋金龍一枚歸命  
西方无極太上靈寶天尊七炁天君西鄉神仙諸靈官竊以瓊簡垂科義先拯濟金真流

既仁切裁成先祈福祐

聖朝保安鼎祚瑞絨玉曆增帝業以無疆白鳳素麟彰瑞圖於遐永次及齋主某家九玄幽爽神昇鬱密之官見在宗親名列西那之境災消未兆福降維新動植蒙恩存亡俱泰得道之後昇入无形和與道合真

北方

臣等伏聞五炁氤氳凝結為廣寒之域重陰浩邈陶甄為沉默之鄉宣一德而濟萬方弘上善而敷衆妙式憑玄化仰備齋誠今謹有黃籙大齋主某乙義重君親志深家國建齋行道謝過祈恩謹齋玄紋之繒一疋金龍一枚歸命  
北方无極太上靈寶天尊五炁天君北鄉神仙諸靈官竊以玄德無私周流萬國至功遐被享壽六虛所祈上奉

聖圖求延天壽比滄溟而不竭齊北極以常寧次及齋主某家九祖七玄永離幽府出鄴都之境登廣漠之宮見在宗親紀名玄籙災殃殄滅過咎消禱壽維祈福祥臻集得道

之後昇入无形和與道合真

東北方

臣等伏聞艮山聳翠流坎水之餘波天宇浮青肇震木之嘉氣揚至化於蒼元之境扇靈風於紫極之庭仰睿德以發生佇神功而開度今謹有黃籙大齋主某乙上惟家國爰洎君親謝過祈恩建齋行道謹齋黃紋之繒一疋金龍一枚歸命  
東北方无極太上靈寶天尊梵炁天君東北鄉神仙諸靈官竊以和煦將分飛沉咸泰真精獨運靈化無方先祈延福宗桃齊二儀而安社稷傳休聖主均兩曜而燭萬方次及齋主某家九世七玄蛻質於空歌之域六親五族題名於暘谷之宮算壽內延災殃外息幽明同慶蠢動沾榮得道之後昇入无形和與道合真

東南方

臣等伏聞丹華闕下凝梵炁以為宮絳府庭中揚異風而煦物百谷職朝宗之所三山標靈化之奇浸德澤以無涯配玄功而不宰今

謹有黃錄大齋主某乙誠深家國義重君親謝過祈恩建齋行道謹齋黃紋之繒一疋金龍一枚歸命

東南方无極太上靈寶天尊梵炁天君東南鄉神仙諸靈官竊以大道弘慈恩波普洽凝

至真而下濟臻靈貺以無遺特乞上福鴻圖

比遐長於溟海潛資聖壽等崇峻於蓬山次

及齋主某家九祖神儀釋幽局於地戶見存

眷屬列仙籍於天文過咎自消災衰永息禍

沉未兆福降維新動植生靈普臻道廢得道

之後昇入无形和與道合真

西南方

臣等伏聞二象分靈紐沉機於坤野重陰定

位凝至靜於地維對日域以稱雄控月門而

立極群材資之以生植萬法體之以靜安今

謹有黃錄大齋主某乙為國為家建齋行道

謹齋黃紋之繒一疋金龍一枚歸命

西南方无極太上靈寶天尊梵炁天君西南

鄉神仙諸靈官竊以至聖高真雖迎隨而莫

得備休降祉在祈感而必通特乞資福聖圖

保寧大業九圍澄靜六合又康次乞齋主某家九世七玄息地司之簡對幽靈滯識妙雲路以逍遙見在宗親記名仙府災衰不作祿算增延一切生靈同均福祐得道之後昇入无形和與道合真

西北方

臣等伏聞玉帝凝旒御天門而布化金靈宅

位奄乾陸以踈基眾星垂拱極之文萬象體

元亨之運實司罪福以統生靈今謹有黃錄

大齋主某乙恩重君親誠深家國建齋行道

謝過祈恩謹齋黃紋之繒一疋金龍一枚歸命

西北方无極太上靈寶天尊梵炁天君西北

鄉神仙諸靈官竊以天道昭明運行不息靈

仙幽贊敷祐無遺特乞上福

聖朝克凝庶績延洪帝業未致雍熙次乞齋

主某家九世七玄六親滯識樓神崑閣飛步

煙霞見在宗親災衰不作祿延壽永禍滅福

生蠢動含靈咸保元吉得道之後昇入无形

和與道合真

上方

臣等伏聞一炁冲融運太虛而成象二儀昭

煥闡寥廓以無涯分五德之天列三千之境

風雷寒暑均四序以何言肅殺生成隨六虛

而不宰今謹有黃錄大齋主某荷廣覆之慈

感裁成之德建齋行道謝過祈恩謹齋碧紋

之繒一疋金龍一枚歸命

上方无極太上靈寶天尊三十六天帝君玉

京玄都紫微上官諸真人神仙玉女无極世

界上鄉神仙諸靈官竊以玄化周行無幽不

燭天真廣濟有感必通特乞資慶國朝克昌

天祚昭宣帝道寧泰群方次乞齋主某家九

祖七玄擢魂天闕見存姻屬列宇仙階壽祿

增崇凶災殄息三途九夜同沐玄恩得道之

後昇入无形和與道合真

下方

臣等伏聞陰靈肇位厚地裁形廓八表以無

垠分九圍而不極群方資以運載品物因以

生成今謹有黃錄大齋主某乙誠切君親義

深家國建齋行道謝過祈恩謹齋黃紋之繒

一疋金龍一枚歸命

下方无極太上靈寶天尊高皇九土四司五帝十二仙君九宮真人神仙玉女无極世界下鄉神仙諸靈官竊以上聖垂文普幽明而幸慶至真演教極履載以沾恩特乞降瑞帝

宮延祥天闕配坤輿而求固齊厚地以無虧次乞齋主某家祖世神儀超離陰府見存姻屬安處福鄉祿壽延長災凶殄息含靈蠢動俱沐玄功得道之後昇入无形和與道合真

日宮

臣等伏聞曜靈舒彩陽景騰暉晨昇賜谷之墟夕隱虞泉之岸九芒低散循黃道以攝光五色潛分上碧虛而薦瑞既荷鑒臨之德實思昭報之儀今謹有黃籙大齋主某為國為家齋持法信建齋行道謝過祈恩至心皈命日宮至真大聖日中皇君明皇真人丹霞玉女皇華洞明太光童子日宮神仙諸靈官特乞昭祐聖躬光敷寶祚上齊兩曜下燭萬方次乞齋主某家存歿沾恩災殃靜息永奉無私之照長遵有道之風身得光明與太陽同

景得道之後昇入无形和與道合真

月宮

臣等伏聞至陰懸象玉兔凝華遵九道以流輝盈虧有準分十枝而散彩照燭無私仰蒙鑒祐之恩實思昭報之禮今謹有黃籙大齋主某為國為家齋持法信建齋行道謝過祈恩至心皈命

月宮至真大聖月中皇君素皇真人散暉玉女月宮神仙諸靈官特乞降福宗祧延祥祚曆乾坤等固日月齊明齋主某家祿壽增新存亡咸泰災衰不作過咎自消身得光明與太陰同景得道之後昇入无形和與道合真

星宮

臣等伏聞二景分暉眾星列曜三台五緯綴圓碧以流光七正三宮布太清而垂象主張海嶽統制生靈仰蒙鑒映之恩輒思昭報之禮今謹有黃籙大齋主某乙齋持法信為國為家謝過祈恩建齋行道至心皈命諸天星宿璇璣北辰五星北斗九星三台二十八宿周天三百六十五度星中大神星中真人星

中神仙諸靈官特乞潛扶大業幽贊

聖朝履極齊尊景星效瑞齋主某家九玄開度舉族安寧祿壽延長凶災殄息有禎祥之慶無臨照之虞身得光明與星宮同景得道之後昇入无形和與道合真

東嶽

臣等伏聞五山定位泰嶽居尊積翠凝嵐聳雲亭於天外層峯疊嶂控日觀於海涯下統陰靈潛司罪福今謹有黃籙大齋主某乙為國為家謝過祈恩至心皈命

東嶽泰山青帝真君飛仙真人名山洞府得道神仙諸靈官伏冀匡祐聖躬扶持帝業乾坤共泰海嶽齊安齋主某家存歿蒙恩祿算增求千災不作百福維新得道之後昇入无形和與道合真

南嶽

臣等伏聞火行建極赤帝分都洞啓朱陵藏煙霞於海外峯標紫蓋捧日月於雲間既為真聖之司兼統死生之籙今謹有黃籙大齋主某乙為國為家謝過祈恩至心皈命

南嶽衡山赤帝真君飛仙真人名山洞府得道神仙諸靈官伏冀降福南天延休北闕瑤圖益固聖日增明齋主某家九祖幽靈上丹丘而魃影見存眷屬列紫府之題名祿算惟崇災衰永息得道之後昇入无形和與道合真

西嶽

臣等伏聞連峯聳翠華嶽稱雄臨八水以孤標旁分帝闕壓九河而迥拔下鎮神州密統真靈明司罪福今謹有黃籙大齋主某乙為國為家謝過祈恩至心皈命西嶽華山白帝真君飛仙真人名山洞府得道神仙諸靈官特乞亨祐鴻圖匡扶聖日祚延萬業壽等三峯齋主某家存歿安寧祿算增求災消未兆福降無涯得道之後昇入无形和與道合真

北嶽

臣等伏聞崇嶽橫空截坎郊而蔽日群山積秀據北陸以扶天雄吞朔漠之鄉高鎮幽燕之野含藏雷雨制御死生今謹有黃籙大齋

主某乙為國為家建齋行道至心皈命

北嶽恒山黑帝真君飛仙真人名山洞府得道神仙諸靈官伏冀延福帝宮保宰休運龍圖嶽固鳳紀天齊齋主某家九祖超昇出幽都之暗域六親昭泰奉聖日之暉華罪滅災消壽延祿永得道之後昇入无形和與道合真

中嶽

臣等伏聞四野之尊群山之長高維嶽峻極于天高低而三十六峯翠橫肇洛綿巨而幾千萬里青捧宵旻主宰生靈司明罪福今謹有黃籙大齋主某乙為國為家祈恩謝過至心皈命

中嶽嵩山黃帝真君飛仙真人名山洞府得道神仙諸靈官伏冀上福宗桃克安寰海丕圖嶽固聖壽天齊齋主某家七世靈儀棲神玉洞六親姻屬列宇瓊文災厄蠲消壽祿增求得道之後昇入无形和與道合真

水府

臣等伏聞上善為功御坎宮而積德至柔成

性流異海以澄波資靈於混漠之先縱聖於乾坤之外浮天浴日難窮浩蕩之源泛地蒸雲莫究渺茫之際下闕龍神之府兼分罪福之曹統制無私幽明咸賴今謹有黃籙大齋主某乙為家為國謝過祈恩至心皈命

扶桑大帝暘谷神王三河四海九江水帝十二河源水府神仙諸靈官伏冀福祐九重流祥萬國龜書龍篆薦符瑞於堯年海晏河清比靈長於聖運齋主某家九玄神識除水府之罪書五族六親紀蓬宮之仙籙災殃自息祿算增崇蠢動飛沉共沾玄澤得道之後昇入无形和與道合真

經寶

臣等伏聞大道分光初演不言之教天尊布化漸垂有作之文由是結氣成章擬雲作葉字方一文耀八角之靈芒跡散諸天諧五會之音律千二百戒行萬二千威儀三十六部尊經三千六百科律修之則長生不死羽化神仙奉之則匡國致君安人濟物總包萬法普度群生今謹有黃籙大齋主某乙為家為

國謝過祈恩至心皈命

至真无上三十六部尊經自然經戒十方正法諸天祕藏真文寶符侍經仙公仙卿仙伯大夫典儀護法一切靈司伏冀降福九天垂休萬國聖躬和暢寶祚遐長齋主某家九代神儀上名丹簡六親族屬列品紫文災厄清消福壽增廣三塗九夜同沐神功得道之後昇入无形和與道合真

太上黃籙齋儀卷之四十一

太上黃籙齋儀卷之四十二

三八

唐廣成先生杜光庭集

士庶消災二十方懺悔

先禮方

次懺悔

東方

臣等伏聞玄化區分超於震域冠五行之首為四序之先與帝道而庶物發生播仁德而群方咸遂今謹有黃籙大齋主某恩酬造化願謝過愆率勵精誠按依科式謹齋青紋之繒一段金龍一枚皈命

東方无極太上靈寶天尊九炁天君東鄉神仙諸靈官竊以恍惚之教妙用難量救家之方變通叵測朗初陽而臨八極流瀨氣而被九垓下察精虔之心上沾亭毒之惠伏願齋主某家九玄七世上紫文見在宗親功題青籙長逢聖運求樂克天有識含生俱蒙玄祐得道之後昇入无形和與道合真

南方

臣等伏聞離德重明真精煥耀佐二儀以運

化騰三炁而生成闢氛翳於高空蕩昏冥於遐域齋主某恩酬玄造虔罄丹誠敷列壇場按依科式謹齋絳紋之繒一段金龍一枚皈命

南方无極太上靈寶天尊三炁天君南鄉神仙諸靈官竊以大化無私玄恩普洽凝至真於象外流要妙於寰中俯鑒禱祈曲流慈愨伏願齋主某家九玄滯識列字丹文見在親姻題名紫籙得道之後昇入无形和與道合真

西方

臣等伏聞允澤潛流金天乘運悅茲萬物叶覆載之心應彼四時導生成之化群材受職於剛斷庶類取則於義方齋主某荷天地之恩願申崇報思過愆之積志切懺除敷列壇場按依科式謹齋素紋之繒一段金龍一枚皈命

西方无極太上靈寶天尊七炁天君西鄉神仙諸靈官竊以玄化多方有求必應至公惟一無感不通凡所虔祈實希昭祐伏願齋主